



Republika e Kosovës – Republika Kosova  
Paneli Zgjedhor për Ankesa dhe Parashtrësia  
Izborni Panel za Žalbe i Predstavke

Anr. 355/2017

**Paneli Zgjedhor për Ankesa dhe Parashtrësia (PZAP)**, në panelin e përbërë nga gjyqtarët: Rafet Haxhaj kryesues, Fejzullah Rexhepi dhe Adnan Konushevci anëtarë, me pjesëmarrjen e zyrtarit ligjor Bajram Rexhahmetaj, duke vendosur përkitazi me ankesa e Emin Hysenaj nga Kotradiqi Komuna e Pejës, paraqitur kundër qendrës së vendvotimit 1713C/03R, në Baran, Komuna e Pejës, për shkak të parregullsive në numërimin e votave, për Zgjedhjet e Parakohshme Parlamentare në seancën e panelit të mbajtur me 15.06.2017, mori këtë:

#### V E N D I M

**HUDHET** si e palejuar ankesa A.nr 355/2017 e datës 14.06.2017, e parashtruar nga Emin Hysenaj nga Kotradiqi, Komuna e Pejës, paraqitur kundër qendrës së vendvotimit 1713C/03R, në Baran, Komuna e Pejës.

#### A r s y e t i m

PZAP-i, ka pranuar një ankesë me datë 14.06.2014, nga Emin Hysenaj nga Kotradiqi, Komuna e Pejës, në të cilën pretendohet se kame punuar Kryesues në Baran me nr.1713C/03R, ku gjate punës kamë bërë dy gabime me pa dashje, kur votat e deputetit me numër 32, janë bartë të numri 31 dhe te numri 50, edhe aty është bërë një gabim pa dashje, ku kamë shkruar votat të një kandidatë tjetër të dy këta deputet të AAK-së. PZAP-i, pasi që shqyrtoi lejueshmërinë e ankesës, gjeti se:

#### **Ankesa është e palejuar**

PZAP-i, konstatoi se ankesa është e palejuar ngase rezultati preliminar nuk është shpallur nga KQZ-ja dhe se mund të ndryshoj në çdo moment, po ashtu Qendra e Numërimit dhe Rezultateve QNR ende është në fazën e procedimit të materialeve zgjedhore nga Qendrat e Votimit. Andaj rezultati zgjedhor nuk ka marrë formën përfundimtare, në momentin e shpalljes së rezultateve përfundimtare të QNR-së palët e pakënaqura në pajtim me nenin 105 të Ligjit për Zgjedhjet e Përgjithshme mund të ushtroj ankesën në afatin prej 24 orëve.

Bazuar në arsyet e sipërshënuara dhe në kuptim të Nenit 118.1 të LZP-së i cili parasheh se “PZAP-i, pranon ankesat e bazuara në fakte dhe refuzon ankesat të cilat nuk i përmbushin standardet” dhe Nenit 6.4 të Rregullave dhe Procedurave të PZAP-it, në të cilin përcaktohet se: “Ankesat të cilat janë të palejuar dhe të pasafatshme PZAP-i i hudhë poshtë me vendim”, lidhur me ankesën e lartë përmendur vendosi si në dispozitiv të këtij vendimi.

**Paneli Zgjedhor për Ankesa dhe Parashtresa**  
**A nr. 355/2017 më datën 15.06.2017**

**Kryesuesi i Panelit**  
**Rafet Haxhaj**

**Këshillë juridike:** Kundër këtij vendimi nuk lejohet ankesa.

